

中國方志叢書·華南地方·第一八四號

據


民國·余丕承等修，桂站等纂
民國二十三年鉛印本

影印

廣東省

恩平縣志

(一)



成文出版社有限公司印行



3/10/04

中國方志叢書·華南地方·第一八四號

據


民國·余丕承等修，桂玷等纂
民國二十三年鉛印本

影印

廣東省

恩平縣志

(二)



sk10/04

成文出版社有限公司印行



10096502

中國方志叢書·華南地方·第一八四號

據


民國·余丕承等修，桂玷等纂
民國二十三年鉛印本

影印

廣東省

恩平縣志

(三)



成文出版社有限公司印行



10096503

中國方志叢書·華南地方·第一八四號

據


民國·余丕承等修，桂站等纂
民國二十三年鉛印本

影印

廣東省

恩平縣志

(四)



成文出版社有限公司印行



中華民國六十三年十二月臺一版

恩平縣志

全四冊

發行人：黃 成 助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

重修恩平縣志序

余調長恩平之三月邑紳梁君雲橋吳君逸凡鄭君雲軒吳君
玉池岑君梅閣馮君璞仁梁君伯美鄭君芷腴馮君冰懷唐君
雪生伍君貫之陳君冕廷梁君用康吳君友文等以重修恩平
縣志告成請序於余夫纂縣志非易事也諸君子能瘁其數年
之心血靡寒靡暑博訪周諮使紛繁年遠之縣事分門別類提
要鉤元斐然成章予爲政者以圖治之要實乎尙矣非諸君子
之力曷克臻此余已嘉其能且勞且依章余爲主纂者今幸觀
厥成此固特余之願抑亦邑人之願也夫人類之進化至繁日
曠也其間世代之推移事態之變遷如書史之所載百家之所

述浩如淵海繁若列星前哲以歷史爲進化之重心其言蓋有
由也故謀國者必探天下之隕然後可盡天下之變是以乾象
歲功歷法庶徵坤輿職方山川邊裔皇極宮闈官常家範交誼
氏族人事閨媛藝術神異禽獸草木經籍學行文學字學選舉
銓衡食貨禮儀樂律戎政祥刑考工等悉著爲文獻垂爲世則
具古今興衰得失之原謀補敝起廢之道非徒博見洽聞而已
也然則縣志其亦意在斯乎夫縣政乃國政之始也其吏治政
教風俗人事經濟文物典章與國政莫不息息相關倘能達其
體要觸類引伸而廓之家國天下則無往而不利矣所謂視都
知野視野知國又豈止述往事而思來者也耶


中華民國二十三年七月八日恩平縣縣長合浦余丕承編武
序縣政府

卷一

序文

二

聖堂光華書局承印



重修恩平縣志

序

圖經政書也周禮司書大司徒量入司險各有專官事綦重矣
秦漢以來第詳地理郡縣晉王隱晉書地道記太康三年地記
闕嗣十三州志唐魏王泰括地志是其例也唐李吉甫元和郡
縣志宋王存元豐九域志本不收藝文人物宋慈成化大吳郡志
則以藝文附各條下不別立一門明康海武功縣志因之自宋
樂史太平寰宇記多載藝文人物而體例始大變元明一統志
及通志府縣志因之恩平爲漢合浦郡高涼縣地三國吳始分
置爲海安縣齊隋唐宋代有更易明成化十四年析陽江新興

新會三縣地復置恩平縣清代因之恩平縣志祖自明季自明
迄清遞有纂輯垂之典冊於今又逾百年矣比者上官徵集縣
志令各縣定期呈繳遠紹旁搜事不可緩邑人士吳逸凡廣文
以總纂之役相屬余不獲以譴陋辭乃受舊志而讀之此篇所
著首列圖說起例發凡多仍其舊而於圖經不厭求詳番禺陳
蘭甫先生漢書地理志水道圖說序云讀史不可不明地理而
攷地理不可無圖書志者史書之根源亦政書之脈絡也重纂
旣成爰志顛末於簡端癸酉夏五南海桂坊序

舊志序

宋志原序

厥初狃榛結繩可治大庭栗陸之世不知其幾千百歲而無紀也志之興也其於中古耶四方之志外史掌之所從來亦遠矣志在春秋素王素臣言之文行之遠其斯以爲志鵠乎雖甚僻小苟或邑之必或志之一閩之市三家之村內照酒簿猶有司焉惡其害已而皆去其籍則大亂之道也恩平新設之邑半設之員然自成化間立縣以來經如許歲年而志未立余叨任未幾上臺撫取縣志無以應余甚病之詢於鄉先生梁叔建氏乃以其所輯志稿見示余獲之如獲拱璧屬羊城盧原甫至盧博

雅士也臨邛見客非無作賦之才禹穴曾探父鮐良史之識且
萊蕪一甌嘗塵平原十日不具因取志稿屬之草創逾月告竣
適余有考察錄囚文武兩闈之役遷延久之未竟修飾至仲冬
始克就緒付之梓其義例倣郡志間有併有省則相其宜存其
質也爲目十有一曰事紀曰秩官曰選舉曰建置曰賦役曰兵
防曰地理曰祠祀曰列傳曰襍記曰藝文偶合以天數五乘地
數六之數嗟乎以恩僻小之鄉兼余淺昧之識而欲擬備乎文
獻誠不自量第幸兩君子推之挽之辟諸蒐獵梁則方而驅諸
原盧則割而登之釜余持劑調齏啜之使適於口而已諺曰跣
則鹿鳥則肉吾能無內愧乎哉崇禎九年丙子仲冬長至之

吉知恩平縣事宋應昇撰

宋志盧序

歲己亥當神宗顯皇帝之萬歷二十有六年旬宣東粵左轄山陰王公泮大修省志聘鄉先紳三人總裁其事郡邑名諸生十人分修十郡先世父廷龍領肇慶一府之屬原甫弱齡執筆從事明年庚子世父舉孝廉以計偕行時志草已什九屬原畢力以復當事者至今宛然在胸臆間也原生也賤少多奇病自先君子詣闕上書還不幸而早世依依慈母拮据勞瘁不能苦事鉛槧甫成就而又會先世父捐館舍家難叢生賣白雲之田駕青雀之舫浮三湘窮七澤遇吳越遍五湖一十六年歸而泊珠

江之上鷗鷺一枝且未遂安亡何游嶺以西入燕江旋駐端州
進而游恩州卽今恩平縣訪豫章宋元孔令公豫章原舊遊令
公才名重海內聲氣之投固非一日風流愛客不減臨卽下榻
雲松觴咏間以其治邑之志事相屬噫原何人斯梁園授簡先
媿相如石渠載筆敢效馬遷而敢當斯任令公愛逾誠而委愈
篤誼不容辭且謂恩平從未有志之者因憶原三十年前胸臆
間事欲歸而摻前稿恩平一屬豈不具在逼於家難流離連牀
充棟之書先人手澤竟無從覓徒增傷嘆幸而令公先得邑人
梁叔建先生草本一帙恐其未備令公復蒐求郡乘博採羣情
原得以散秩橫襟摻其遺以補其漏存其要以芟其蕪時兒光

大隨行侍事命其攷畫輿圖指陳阨塞使入其地者見志之所
臚列爲不誣也雖然邑有新故治有緩急物有簡鉅爲之志者
務縷析而次序之庶幾無紊焉觀夫自有封域則有盛衰世運
迭更沿革匪一必先之以縣紀縣紀旣詳民安物阜不賴官師
其何以統故次之以秩官蔚然霧變代豈乏奇蹟辟道衰科貢
斯顯次之以選舉官有署師有序倉場廨宇表熙常儀城郭橋
梁悉資營度次之以建置君子竭其謀小人輸其力食土之毛
其誰不供車轍馬塵通衢孔猝次之以賦役龍蛇之生多在山
澤戈矛甲冑以備不虞次之以兵防天道旋於上地輔轉於下
山川險易彼此殊形隄岸陂塘物利攸藉次之以地理祭明馨

也不秩則黷文教聿昭敬修秩祀次之以祠祀畏壘桐鄉無忘
俎豆潛貞顯烈儒俗以興星夕霜朝有隕有二況柏和丸俱可
以風也次之以列傳族聚類蕃列閭錯野牛民嗜慾不一其性
居處宴會不一其習不礙風聞傳諸觀記次之以襍志鳳有苞
麟有紱點纈寒英絢諸霞采殘膏賸馥膾炙千秋一言信史永
賴斯文而收之以藝文原竊謂信則傳疑則闕志意也詳而不
紊瞻而不穢此原之所以志意也是役也崇禎丙子三月旣望
入恩平越十日而受斯命適令公以公行入郡一月而志草成
又十日謝主人行原性懶不能遍謁諸名公訪採輿論時惟梁
叔建一人相與周旋管窺如此潤飾取裁是在令公也是在令